

# Жиноят субъекти



Ҳар бир ижтимоий хавфли ҳаракат содир этилганида суд-тергов ходимлари жиноятнинг маҳсус субъектининг алоҳида белгиларини аниқлаши лозим бўлади, буларсиз ҳаракат содир этган шахс ушбу жиноятнинг субъекти деб топилмаслиги керак.

Жиноят ҳуқуқи назариясига кўра ҳар қандай ижтимоий хавфли қилмиш содир қилган, қонунда белгиланган ёшга етган ва ақли расо жисмоний шахслар жиноятнинг субъекти бўлади. Албатта жавобгарликнинг асоси сифатида жиноят таркибининг энг муҳим элементи бу жиноят субъекти ҳисобланади. Сабаби, ҳеч бир жиноят субъект бўлмаса содир этилмайди ва ўз-ўзидан жавобгарликни ҳам юзага келтирмайди.

Жиноят қонунига мувофиқ жиноят субъекти фақат жисмоний шахс бўла олади ва Жиноят кодексининг 17-моддасида белгилан қўйилган. Унга кўра: «Жиноят содир этгунга қадар ўн олти ёшга тўлган ақли расо жисмоний шахслар жавобгарликка тортиладилар». Юридик шахс (ташкилот, муассаса, корхона ва ҳоказо)лар жиноятнинг субъекти бўла олмайди. Шуни ҳам таъкидлаб ўтишимиз лозимки, бир қатор чет эл давлатларининг жиноят қонунига кўра юридик шахс ҳам жиноятнинг субъекти бўла олмайди. Бироқ ташкилот, муассаса, корхона фаолияти билан боғлиқ жиноий оқибат учун тўғридан-тўғри унинг раҳбарлари ва масъул шахслар жавоб берадилар. Булар асосан экология соҳасидаги жиноятлардир.

Жиноят кодексининг 17-моддаси (жисмоний шахсларнинг жавобгарлиги)га кўра ҳар қандай инсон ҳам жиноятнинг субъекти бўла олмайди. Шахснинг қонунда белгиланган субъект ёшига етганлигидан ташқари у ўз ҳаракатларини бошқара олиши ва ҳаракати туфайли келиб чиқадиган ижтимоий хавфли оқибатни ҳам англаши керак бўлади. Ўз ҳаракатини идора қила олмайдиган ва оқибатини англамайдиган шахсларнинг ижтимоий хавфли қилмиши туфайли қонун билан қўриқланадиган ижтимоий муносабатга зарар етказилса, уларнинг ҳаракатида қасд ёки эҳтиётсизлик шаклидаги айб мавжуд бўлмайди.

Жиноят қонунчилигига жиноят субъектининг асосий белгиларидан бири қонунда белгиланган ёш бўлиб, муайян ёшга тўлган шахсларгина жиноий жавобгарликка тортилади. Сўзсиз, шахсда маълум ёшга етгандан кейингина

атрофдаги воқеаларни қабул қилиши, ўз ҳаракатларига тұғри баҳо бериши ва ўз хоҳишини керакли йұналишга йұналтира олиш қобилияти шаклланади. Инсон маълум бир ёшга етгандан кейин муайян бир жиноят қонуни билан ман қилинган ҳаракатлар учун жавобгарлик юзага келишини тұғри англай олади. Ўзбекистон Республикаси Жиноят кодексининг 17-моддасига мувофиқ 16 ёшга түлган, ақли расо шахслар жиноятнинг субъекті ҳисобланадилар. Бу ёшда ўсмир ҳар бир воқеани тұғри қабул қиласы, унинг дунёқараши ва ҳуқуқий фикрлаши шу даражага етады, у ўз қилмишининг хавфли эканлигини тұғри баҳолай олади. Бироқ баъзи бир алоҳида жиноятлар учун қонунда жавобгарлик ёши 14 ёш деб белгиланган. Жавобгарликни оғирлаштирадиган ҳолатда қасдан одам ўлдириш учун эса 13 ёш белгиланган (97-модданинг 2-қисми).

### **Юқоридагилардан келиб чиқиб:**

- 1) жисмоний шахс эканлиги;
- 2) ақли расолиги;
- 3) қонун билан белгиланган ёшга етганинг жиноят субъектининг белгилари, деб айтиш мумкин.

Ақли расолик тушунчасини тұғри талқин қилиш қонунийликка риоя қилишда муҳим аҳамияттаға эга. Содир этилган жиноят учун фақат қонунда белгиланган жиноий жавобгарлик ёшига түлган, ақли расо шахс жиноий жавобгар бўлади, чунки маълум руҳий лаёқатга эга шахсгина ақли расо бўлиши мумкин. Ақли расолик шахслар айбдор деб топишнинг зарурый шарти ҳисобланади.

Ақли норасолик – умуман руҳий норасоликни эмас, балки маълум ҳаракатга нисбатан руҳий норасоликни белгиловчи муайян тушунча ҳисобланади. Шахс руҳий касаллиги туфайли маълум руҳий қобилияттаға эга бўлмаслиги, аммо ўз ҳаракатларининг аҳамиятини англаши мумкин. Бу ҳолда у ақли расо деб топилади.

«Ўз ҳаракатларининг аҳамиятини англай олмаган»лик шахснинг ўз ҳаракати ва оқибат ўртасидаги салбий боғланишни амалий жиҳатдан тушуна олмаслигини билдиради.

Ўз ҳаракатларининг аҳамиятини англай олмаслик, шунингдек, уларнинг ижтимоий хавфли хусусиятини тушунмасликни ҳам англатади.

Ҳаракат ва унинг оқибати ўртасидаги сабабий боғланишни тушунмаслик шунда намоён бўлиши мумкинки, руҳий касал одам ўз ҳаракатлари қандай оқибатларга

олиб келиши мумкинлигини тасаввур қила олмайды.

Юқоридагилардан ташқари жиноят қонунида жиноят субъектининг умумий белгиларидан ташқари қўшимча ва маҳсус белгилари ҳам назарда тутилган бўлади. Буни жиноятнинг маҳсус субъекти, дейилади. Масалан, ҳарбий жиноятларда жиноятнинг субъекти фақат ҳарбий хизматчилар бўлади.

Жиноят кодексининг 17-моддаси 1-қисмига кўра жиноят қилгунга қадар 16 ёшга тўлган шахс жавобгарликка тортилади.

Жиноят кодексида кўпчилик жиноятлар учун жавобгарлик 16 ёшдан белгиланган.

Жиноят кодекси 17-моддаси 2-қисмига кўра “13 ёшга тўлган шахслар жавобгарликни оғирлаштирадиган ҳолатларда қасдан одам ўлдирганлик (97-модда 2-қисми) учунгина жавобгарликка тортиладилар. Ўзбекистон Республикаси Жиноят кодекси 97-моддасининг 2-қисмida белгиланган субъект ёши энг паст ёш бўлиб, Жиноят кодексидаги ягона норма ҳисобланади. Олдинги қонунларда бундай ёш чегараси белгиланмаган эди.

Жиноят кодекси 17-моддаси 3-қисмига кўра жиноят содир этгунга қадар 14 ёшга тўлган шахслар жавобгар бўлиши белгилаб қўйилган.

Жиноят кодекси 17-моддаси 4-қисмida жиноятлар учун жавобгарлик ёши 18 ёш деб белгиланган.

Шахсни жиноятнинг маҳсус субъекти – деб ҳисоблаш учун субъектнинг зарурий белгилари билан бирга (ёш, ақли расолик), албатта, бошқа белгилар ҳам бўлиши керакки, бундай белгисиз шахснинг тегишли норма билан жиноий жавобгарликка тортилиши мумкин эмас.

Аксарият ҳолларда ушбу белгилар жиноят ҳуқуқий нормалар диспозициясида кўрсатилади ёки уларни шарҳлаш орқали аниқланади. Жиноятнинг маҳсус субъекти белгилари турлича бўлиб, улар хизмат, касб, фуқаролик ёки ҳарбий мажбурият бўйича бўлиши мумкин.

**Жиноят қонуни Маҳсус қисмини ўрганиш шуни кўрсатадики, жиноятнинг маҳсус субъекти белгиларини қуидагича таснифлаш мумкин:**

1) фуқаролиги; 2) демографик белгилари (жинси, ёши); 3) мансаби; 4) ҳарбий хизматга алоқадорлиги; 5) бажараётган иши; 6) касбий мажбурияти; 7) шахсий мажбуриятлари; 8) субъектнинг асосий ҳолатлари (рецидивист, хавфли рецидивист).

Ҳар бир ижтимоий хавфли ҳаракат содир этилганида суд-тергов ходимлари жиноятнинг махсус субъектининг алоҳида белгиларини аниқлаши лозим бўлади, буларсиз ҳаракат содир этган шахс ушбу жиноятнинг субъекти деб топилмаслиги керак. Юқоридагиларга хулоса қилиб шуни айтишимиз мумкинки, жиноятнинг субъекти жавобгарликка тортишда жуда катта аҳамиятга эга ҳисобланади.

**Сурхондарё вилояти жиноят  
ишлари бўйича Олтинсой туман  
судининг архивариуси  
Я.Рустамов**